

32 Staðfesting forsetans á skipulagsskrá fyrir „Minningarsjóð Sigríðar R. Sigurðar-
17. marz dóttur“, útgefin á venjulegan hátt ad mandatum af dómsmálaráðherra 17. marz 1954.
Skipulagsskráin er þannig:

SKIPULAGSSKRÁ

fyrir Minningarsjóð Sigríðar R. Sigurðardóttur.

1. gr.

Sjóðurinn heitir Minningarsjóður Sigríðar R. Sigurðardóttur.

2. gr.

Sjóðurinn er stofnaður af Kvenfélagi Akraness og Kvennadeild Slysavarnafélags Akraness til minningar um Sigríði R. Sigurðardóttur, Suðurgötu 51 á Akranesi, sem var ritari í stjórnnum beggja félaganna.

3. gr.

Stofnfé sjóðsins er kr. 6 290.00. — Sjóðinn skal ávaxta í sparisjóði eða banka.

4. gr.

Markmið sjóðsins er að styrkja ýmiss konar menningar- og líknarstarfsemi í Akraneskaupstað.

5. gr.

Sjóðnum skal afla tekna með sölu á minningarspjöldum. Enn fremur tekur hann við gjöfum og áheitum, er leggjast skulu við höfuðstól hans.

6. gr.

Ekki má veita fé úr sjóðnum fyrr en höfuðstóll hans nemur kr. 10 000.00. — Þann höfuðstól má ekki skerða á meðan sjóðurinn starfar eftir þessari skipulagsskrá, en vexti af höfuðstól og aðrar tekjur, sem sjóðnum kunna að áskotnast, má nota jafnóðum.

7. gr.

Stjórn sjóðsins skal skipuð tveimur konum úr Kvenfélagi Akraness og tveimur konum úr Kvennadeild Slysavarnafélags Akraness og einum úr fjölskyldu Sigríðar heitinnar.

8. gr.

Stjórnin skal halda gerðabók fyrir sjóðinn, þar sem bókaðar séu allar ákvarðanir sjóðstjórnar um styrkveitingar og annað varðandi sjóðinn, meðal annars reikningar hans. Fremst í gerðabókina skal færa skipulagsskrá þessa

9. gr.

Reikningsár sjóðsins skal vera almanaksárið og skulu endurskoðendur reikninga sjóðsins vera hinir sömu og Kvenfélags Akraness og Kvennadeildar Slysavarnafélags Akraness á hverjum tíma.

10. gr.

Að liðnum 10 árum frá stofnun sjóðsins má með samþykki sjóðstjórnarinnar og beggja félaganna, er að stofnun hans standa, breyta skipulagsskrá þessari að því er varðar það atriði, hve miklu skuli heimilt að úthluta úr sjóðnum, enda yrði þá álitid,

að markmiði sjóðsins yrði betur náð með því að aðrar reglur giltu um það en hér eru settar. 32

17. marz

En markmiði sjóðsins má ekki breyta.

11. gr.

Leita skal staðfestingar forseta Íslands á skipulagsskrá þessari.

Akranesi, 10. febrúar 1954.

Í stjórn Kvenfélags Akraness:

Þóra Hjartar, form.

Svava Finsen, gjaldkeri.

Helena Halldórsdóttir, ritari.

Í stjórn Kvennad. Slysavarnafél. Akran.:

Ragna Jónsdóttir, form.

Gíslína Magnúsdóttir, gjaldkeri.

Helga Guðjónsdóttir, ritari.

REGLUGERÐ

33

um möskvastærðir fiskinetja og lágmarksstærðir fisktegunda.

18. marz

1. gr.

Á hafsvæðinu norðan 66° norðurbreiddar og austan Greenwich-lengdarhaugsins og á Íslandsmiðum milli 62° og 68° norðurbreiddar og 10° og 28° vesturlengdar, skal lágmarksstærð möskva í öllum þeim netum, sem dregin eru með botni, þar á meðal botnvörpum, vera slík að þegar möskvar eru teygðir horna á milli, eftir lengd netsins, komizt flöt mælistika, 110 mm breið og 2 mm þykk, auðveldlega í gegn þegar netið er vott.

2. gr.

Á öllu hafsvæðinu fyrir norðan 48° norðurbreiddar og milli 42° vesturlengdar og 32° austurlengdar, en að undanteknum þeim svæðum, sem um getur í 1. gr. og sérstakar reglur gilda um eins og þar segir, og að undanteknu Eystrasalti og Beltunum, sunnan og austan línu, sem hugsast dregin frá Hasenöre-höfða til Gnibenhöfða, frá Korshage til Spodsbjerg og frá Gilbjerg-höfða til Kullen, skal lágmarksstærð möskva í öllum þeim netum, sem dregin eru með botni, þar á meðal í botnvörpum, vera slík, að þegar möskvar eru teygðir horna á milli eftir lengd netsins, komizt flöt mælistika, 80 mm breið og 2 mm þykk, auðveldlega í gegn þegar netið er vott.

3. gr.

1. Ekkert skip má við veiðar nota nokkurt það tæki, sem þrengir eða heftir á nokkurn hátt möskva þá, sem lýst er í 1. og 2. grein reglugerðar þessarar.

2. Þó skal eigi teljast ólögmeitt að festa striga, neti eða öðru efni undir poka botnvörpunets, í því skyni að forða eða draga úr sliti.

4. gr.

Þrátt fyrir ákvæði 1. og 2. greinar, mega þó skip, er veiða makríl, síld og skyldar tegundir, gullax, ál, fjörsung (*Trachinus draco*), rækjur, kampalampa, leturhumar eða lindýr, hafa innanborðs og nota net með smærri möskvum en þar greinir, með þeim skilyrðum, (a) að slík veiðarfæri noti skipin ekki til þess að veiða aðrar tegundir fisks en hér greinir og (b) að öllum fiski, sem með þeim kann að veiðast og eigi nær lágmarksstærð þeirri, er lýst er í 5. grein reglugerðar þessarar, verði þegar eftir veiðina fleygt úthyrðis.